



**Ассаламу гялайкум, дубурлантти!**

# ШИЛА ГЯМРУ

## СЕЛЬСКАЯ ЖИЗНЬ



Дахадаевла районна жамигЯтла - политика газета

№ 15 (8453) 2021-ибил дус.

Апрельла 16. ЖумягI.

Багъа I2 кьуруш 32 кепек

### Районна администрациялизиб

## Баянти гяладихьиб

Дахадаевла районна бекI Жаруллагъ Гямаровли председателдеш дирнила удиб администрацияла заллизиб гялабван совещание бетерхур. Ила цалабикибти лехIбизур физкультурала ва спортла отделли барибси хIянчила хIекълизирти баянтаци. Балбуцлизир бутIакъяндеш дариб шимала бургани, администрацияла аппаратла хIянчизартани ва подведомственные организация-бала руководителтани.

Ахьбуцибси масъалала чевкад гъайухъун XI.XIямидовла училилси ДЮСШ-ла директор Гябдуллагъ Керимов.

Спорт лебтасалра. Илгъуна уличил Дахадаевла районнизиб хасси программа дурабуркIули саби, суненира шимала халкъла арати гIямру дирахънила бетуц гялабяхI башахъуси. Сегъуна хIянчи дураберкIилил ва гъаннала гIергъи се барес хIяжатлил баянти гяладихьиб сунела выступлениелизир Гябдуллагъ Керимовли.

«Къиянси дус биъниличи хIерхIели, бахъалгъунти спортсментани гIягIацад сархибдешуни дихъуб. Воспитанникуни-ургаб леб кункси атлетикализир, грэпплинглизир, каратэлизир, бокслизир ва илкъяй-дали волейболлизир ахъти усташ чедаахьибти», - буриб Керимовли. Илени илкъяй-дали гъандушиб бахъалгъунти тренертани районнизиб спорт гялабяхI букъяхъесцунра ахIи, регионнизиб дурадуркIути абзаназир сархи-

бдешуни дирахъес даимбиъниличила. Илди саби МяхIяммад Кьурбанов, ХIяжикьурбан Машаннаев, Шамил ХIямзатов, ХIямзат Абакаров, Абубакар Мусаев ва бахъал цархIилтира.

Докладчикли баянти гяладихьиб терроризмаличи къаршили дурабуркIуси хIянчиличила ва объект мяхIкамбирниличила. Воспитанникуназира илгъуна баркъудила къадричеддешличила иргъахъули саби.

Спортла учреждениела яшавла-технический лутIихъулчиличила гъайвикIули, Гябдуллагъ Керимовли багъахъур, ишбархIилис спортла инвентарличил ва цархIилти хIяжатти гIягIниахълумачил ил гIеббуцниличила. Талабдарили сари кIел мушул башнилис хасдарибти (борцовские) гIягIниахълуми, профессиональный ринг, лерилра спортла жураби хIясибли хIяжатдирканти лер. ХIябал шилизир республикала спортла Министерстволи гибти ГТО-ла комплексный центрти лер.

ГIур цалабикибти лехIбизур чуни

чус гъуни чибиахъантала БархIилис ва 9- ибил майла байрамлис далдуцуни хIядурдирнила ва дурадуркIнила баянтаци. ИлхIели спортла-бахъал халкъла бутIакъяндешличилти декIар-декIарти дал-



дуцунира дурадуркIути сари.

Докладчикли лехIизурли гIергъи, Жаруллагъ Гямаровли хъарбаркъуни дедиб гъатIира имцали жагъилти спортлизи битIикIни жигарчеббарахъес ва декIарбухъунти тренерти шабагъатлабирниличила предложение гялабихъахъес.

Шимала бургачи хъарбариб жагъилти арати гIямру дирахънила баркъудилизи алавбурцнила хIянчи жигарчеббарахъес.

**Информационный центр.**



## Шабагъатлавариб

Гялабван совещаниела дазурбазиб районна бекI Жаруллагъ Гямаровли Всестилевой каратэла Федерацияла Президент М. М Халиловла шайзиладли шабагъатлавариб бекIливиубси (главный) каратист ва спортла ил журала шайчивси учитель Мухтар ХIясанов. Дахадаевла районна мермусаличиб спортла ил жура - Всестилевой каратэ гялабяхI букес халаси къайгъи дакIубарни багъандан илгъуна хIурматличи ил лайикъикибси сай.

Дахадаевла районнизиб каратэ дакIубухъи бахъIи биубли ахIен, амма спортла ил жура

чеалкIуси наслула вакилтас дигусили бетаурли саби.

Каратэ – ил дявила искусство-цунра ахIен, ил ГIямрула гъуни саби



викIалра хатIа бетхIерар. Ил чеббикIибси адамли сунела къаркъала дебшлабиъни ункъбирахъу, рухIлашал гялабыхI аркъян, гъар шайчир имканти имцIадирар.

Мухтар ХIясановли сунела выступлениелизиб районнизиб каратэ гялабыхI букъяхъес багъандан кумекбируси районна бекIлис баркалла багъахъур. Гъанна ил спортла жураличи гIулухъабала ва жагъилтала иштгяI имцIабикIни багъандан XI.XIямидовла училилси ДЮСШ-ла дазурбазиб секция абъахъес предложение гялабихъиб.

Илкъяйдали Мухтар ХIясановли «Дахадаевла районнизиб Всестилевой каратэ гялабыхI башахъниличиб кумек гIеббихъни ва адатгала арати гIямру дирахънилизил халаси пай кабирхъни багъандан» районна бекIлис Дагъистан Республикала Всестилевой каратэла Федерацияла шайзиладли баркаллала кагъар бедиб.

«Спортлизир хIуни дирахъути сархибдешуначи нуша пахрумидиркъулра ва дирхулра каратэла журализир чедибдешуни имцIадирахъниличил», — буриб Жаруллагъ Гямаровли.

Районна бекIли спортшколала директор Гябдуллагъ Керимовли хъарбариб спорткомплекслизиб каратэла секциялис мер ва илала бузерила график хIядурдарахъес.

## Вакцинаби дирес даимбиубли

Адамтала арадеш къулайби-рахънила мурадличил гьегъиси замана медицинала хъанчизартани чула бузери гъахъадла жигарчеббарили саби. Илдас хъанчи имцъадиуб COVID-19 ибси изала тинтбиубхейчирадди.

Ишди бурхъназира Дахадаевла районна шимази башули тухтуртани халкълис коронавируса чейхъуси изайчи къаршили вакцинаби дирели сари.

Илкъяйдали, саби гъахъулали вакцинаби дирахънила дазурбазиб, районна больницала медицинала хъанчизартала бригада Зилбачила ва Зубанчила шимази бякъун. Илдала къукъялизи кабурухутири тухтурти ва цархилти медицинала хъанчизарти. Илдани чула бузери савли

саягъат 9-личиб бехъбирхъусири.

Районна больницала терапевт Альбина Мяхъяммадовала гъай хъасибли, сарира архъа дурабуркълуси бригадализи карурхуси, вакцинаби дарес багъандан чучил дарх касилри хаста термосумкабазир дихъути «двухфазный компонент Гам -Ковид-Вак» ибси вакцинабала 70 доза.

Вакцина бирусси саби 40 минутла бухънаб: 10-15 минутли медициналашаласи ахтарди дурабуркълуси саби ва прививка бирусси саби, гьегъити 30 минутла манзиллизив прививка

барахъибси чула хъерудилиув вихъуси сай.

Бригадали бузери дурабуркълуели санитарияла-эпидемиологияла тухъяр-къяйда чедетаахъили дузахъутири.

Зубанчила ФАП-ла заведующая Патимат Хъасайниевани бурни

хъасибли, шилизиб саби гъахъулали вакцинаби дарес дигути бахъал саби. Вакцинабачила цацабехъитани дурути хъажатагартти гъайличил хъерхъеили, вакцинаби дарахъес ункъли башутири адапти ФАП-лизи.

Шимази башути тухтуртани вакцинаби матъал ва гъала-гъала сияхълизи белкъл хъебарили хъалли, дирети сари. Вегъличил дарх паспортра страховой полисра диэс хъажатти сари. Цайбил вакцина барили гьегъи, тухтурти прививка барахъибтачил вягъдалабиубли, 21 бархъи дикили гьегъи, гурра вакцина бирусси саби.



Ишди бурхъназиб билхъаличи дурабухъи, Дахадаевла районна Хуршнила шила жамигъятли жявилл гъашбатурси ва гъанна буркъкабиубси гиниз къулайси агиличи бушиб.

Хуршнила шила бекъл Гъалибег Къурбановла гъай хъасибли, гинизурби гъабибгъат жагабирахъути мягъичерти, нушала хала бегъаачирадди нушачи даибти ва тарихлашал халаси къадри лебти букъурти сари. Гинизлизирти шин умути дирар. Илди ванзалиурадди дашути сари ва мурталра илдачил пайдала-



## Гиниз къулайбариб

виклес гъахъамли бирар.

Билхъаличи дурабухъунти мурул адапти хъажатти гъагъинахълумира касили, гиниз къулайбирули ва ил-алавси мербетонни бурцули, ибкъли бузескабиб. Илдани гинизлизирти шин айхъес ва илала гъалар мицъирагшинни дужахъес багъандан гъар секълал чедетаахъили дал-

къаахъур.

Хъунул адаптира акъули кахъелун. Илдани гиниз-алавти мермуса умудариб.

«Ишбархъи къулайси агиличи бикахъибси гиниз гъаннала гьегъиара бахъхъилис адапти пайдалабиклесли кавлан. Ил пергер баркъудил чеалкъуси наслутира хъумхъерту. Гинизла шин умули калахъни ва илгъуна мягъичебси мерличи хъеруди бирни лебилрпа шантала чеблара саби», - буриб Гъалибег Къурбановли.

Ил гинизла шинничил хуршлантти вецъани дусмазиб пайдалабикълуси саби. Дигеси саби гъункъярадди шин айхъес ва илала гъалар мицъирагшинни дужахъес багъандан гъар секълал чедетаахъили дал-

Гиниз ремонтбирнила хъанчи хъараахъурмад шантти балгунси къумурлизи цалабикиб.

## Нартанала мягъданри хъу, Дагъистан

Дубуртазиб акълубти адамтала хасиятунира баркъ-бацра цархилталайзирадди гъахъил декълардулхъули дирар. Илди шурмазирадди касили гъашулра урунжла дяргъибти шарабшинра дархаили, Берхъила дуцъартти нуранала гъимиртачил бемхуртигъунти бирар. Ил багъандангу илди селилра мукълурбакахъес ва клантбибакахъес хъейрути. Ил секълал жявхъейчибадди чуйнара марбарибсира саби нушала хабарла спортсментани ва игитунани. Ишцад зурбаси дунъяличиб биштъаси Дагъистай илдигъунти багъадурти абилкъни бахъал халкъла уркълби ясирдурцуси анцълубкъли батарулира саби. Ишбархъира илкъяйдали дунъяла халкъ тамашабирахъути нартани лебниличил нушани пахрура бирурла. «Ну дубурла биштъаси шилизивадси гъадатла урши сайра, нугъунти ва набчибра цлакъти урши дубуртазиб бахъал саби, ил-дазибадди бахъалис рингличи дурабухъес имкантира алкъули хъедидрал...», - викълуси сай 29-найсра чедикили ва гъачамалра удихъей-

кили залумдешли ва уркълла чълумадешли хабардерхахъурси Хъабиб Нурмахъяммадов. Ил вирхълхъели ну паргъатли хъерриклесра рируси ахъенра, сегъуна-биалра камси сабабличивли ил удивикесгу или урухълули, амма сай биалли урухълуси хъейъни лебилра дунъяличиб якъинбариб ил гъахъабзали.

Нушани чебаибси чедибдешла анцълубкъун ахъен, ил Голивулда лерилра кинобачибра азирнали цлакъси анцълубкъ саби. Ишар гъахъихъли чедиули сари уршила дудешличил диги. Уркълби-уркъллабадси дард ахъи илкъяйда гъаргъибэс хъебарар. Ил секълал миллиардуни халкълира чебаиб. Урусуну бакълуливан, Легенда сай гъанна Хъабиб. Ил ганзухъличил ацълуси сай Мухъяммад Гъали, Уэйн Грецки, Роджер Федерер, Пеле, Месси, Роналдо, Хусейн Болт ва цархилти спортсментани. Илдазирти ва Дагъистан машгъурбабахъубти Гъали Кълич, Сали Сулайбан ва цархилти спортсментазирти чедидрал цлакъаназивадли цалавахъибсигъуна сай ишбархъи сунела

битълкъллизив дунъяличивра сунечив чедиикесил адам агарси гъадатла дубурлан урш Хъабиб. Илдини сунени чеббикълбси спортла журализиб история акълухъуб. Ил историяличил халаси иштъахъиличил миллиардуни адапти хъерра бикълутири. Нушала Дагъистайзиб чебяхъити спортсментани чеббикълбси гъуни ишбархъи даимбарниличил нуша пахрума диркъес ихтиярра леб. Лебил дунъяла халкъ Хъабибличил къяйда хъайранбиубли хъербиклесил цалра спортсмен виубси ахъен. Гурра вирарал белгили ахъен. Хъабиб чебяхъиси историяла бутълали ветаур. Нуша ил история секълйада белкълунал бикълрумилера детаурра. Нушаб Хъабиб дигахъулра, бургар ил хъейгутири. Ил чула къуллукъ саби. Ил, бикълуливан, даршал дуслизив гъачам дураулхъуси спортсментани ветаурли сай. Биштъаси Дагъистай халаси савгъат пешкешбариб дунъяла спортлис. Хъебиалли нуша хабарла нартани абилкъуси республикала адапти сарра. Иш гъакълис кабикибси анцълубкъ спортлизиб бетаурси тамашала чедибдешшун ахъен, ил дудешлара уршилар ургарти черяхъити

дигила бикълри саби. Ил лебил дунъялира чебаиб. Хъабиб нурли бицълаб Гъабдулманапла! Баркалла биаб хъед, Хъабиб!

Наб бегълара гъахъибилзуси ишхъелла манзиллизиб гъайбиклес бара бурсибиубти булан дубурла лачинти Хъабибличил мешубикес къаслизиб саби. Хъебиалли Хъабибван илдира хабарла «Чакни» бетарар. Чидил виштъасиличи гъамиубли хабарасаллира Хъабибличила, илдани лерилра гъамрула бетуцуни ва спортла чедибдешшуну гъандуршули сари. Илгъуна гъарли-марси бяркълугули сай ишбархъи чеалкъуси наслулис Нурмахъяммадовли. Дила пикри хъасибли, даршаницуна ахъи, азирти спортсментас чебяхъидешличил гъуни гъаргъбариб илини ва илдас патриот бяркъл бедиб.

Дагъистан сегъуна сабил ва илаб сегъунти багъадурти хъербирулил дунъяла гъарил гъамзилабти халкълис якъинбариб Хъабибличил сунела къуватчевдешлицуна ахъи гъахъулла бугадешличил ва пасихъидешличил. Верхъаби хъу, нушала уркълби ишцадра разидириси, гъахъабза урши.

Патимат Къурбанова

## Г'ергъисилра мабиаб

Г'ях'ли гъанбиркур 1955 – 56-ибил белч'удила дус. Гех'ибил выпуск. Х'ебикес бирару х'ябал дус, къяшлизи къяш бирхъули, Уркухълара Бускрилара дазуличибси «Дагурай» ихъули, белкунси гъуни. Гапла-деклар х'едери итди дусми, хаслира дургъбазибад дудешуни чарх'ебухъунти хъяшабас: чекагъес г'ях'исигъуна палтар, къяш ванабареси клант'ити дабри х'едикиб пинц'укъунас. Чуйнара хъулухъунра, школа барх'кабатурли, чекагъес палтарра лугуси, кани ц'яббаресира биркуси ПТУ-лизи вебес.

-- Сабур, сабур, чераркъян къяндешуни, уркиагармайруд, х'уцун ах'енри илгъуна, -- бик'улри бух'наласи гъир. Итди дусмазиб районнизиб цацун бири урга даражала школа. Илра Уркухъла шилизиб. Хат'ла х'еркасли, итх'ели ил школари С. М. Кировлари у бихуси. Г'ях'цад А, Б, В, Г-хъали классуни дири. Сагадан х'ербирулра нушала классла сиях'и. Вец'ну авра шиламахъила дурх'я-рурси бири ца нушала класслизиб. Илдазибад клел: Джанмирзаева Шагъризат – Г'яймаумахъи, Умарова Аминат – Урахи, Сергокъалала районна.

Имтих'янти дедибтала луг'и х'ябц'айчи абиркулри: 27 цаклассант'и, х'ябал – Г'яммузган Г'ябдулкъадир, Асаев Мусаид, Мях'яммадов Рабазан (ц'ухъ) екстерникуни.

Гъану верх'ира вавали жагабарибси урда уркл'бала умудешли хиб харидешла пайда. Гъану цара узила урегал х'ялал рузи, х'ерличил уркулурбала т'ут'убиуб шимази. Урегц'анну х'ябра дус шалг'ердурхъун хъархъ-хъархъли, заманала зимла хъус бихули ара-сагъли. Цацабех'и узби-рузбас къяркъсили убкабухъун заманала г'ярчумаг, чула игъбарагрилис къант'иуб г'ямрула лаг.

Гъарил барх'и бургачир ца х'яна гъез имц'абик'ули, ишбарх'и нуша, миц'ирли лералти, шахли клант'барибси галгаван, ц'уб-х'янкадиублира. Табиг'ятла гъава гъигъирули, миц'ирли лералталара луг'и дуслич'иб-дус камкабик'ули саби. Ишбарх'илиси игъбарла бут'ла инк'бяхъили, шалал дунъяличи х'ердик'ули лералти 12 сарра: 10 – мурул адам, клел – хъунул адам. Зубанкан Абакарова Къистаман.

Къакъбала гидгариван дях'и делк'унси Къистаман. Нушаб даргла рузбиван ах'ерли калаб гъаман. Г'яймаулан Шагъризат, сен саби х'ела къисмат? Рик'еслирив ай, лаззат? Лайикълив шула къимат? Нушала цалабик'личила «Замана» газетализиб макъалара дурабухъунсири. Ил белч'и руилри Шагъризатлира. Ит замана Шагъризат х'еррирули руилри Избербаш шагъарлизир. Кагъар набчи баахъес, бускран адамлиг'ир умц'ули, клел барх'и автостанциялизира ракл'или руилри. Ц'урхакан Салих'и Бускрила шилизив узули калунсири. Ца хъунул адам гъамриуб, ва хъарбаиб: «Х'у бускран сайрив?»

-- Ах'енра, рузи, амма бускранти нуни г'ях'ил балути саби. Се г'яг'инили? Бях'яммад бик'усира валаду?

-- Валас, сунела вях'и амч'и, нук'ун ик'ичира хъуравириси. Се г'яг'инили ик'изибад? Нуни бареси леббиалли, нуни черихъис.

-- Иш кагъар баахъес вируду?

-- Умутбихъа паргъатри, г'яжаибли баахъиша.

Кагъарлизиб цаклассантас баркалла балахъулри. Сари шилизир математикала учительницали рузули калниличила, пенсияличи раъниличила, рурсиличир Избербашлизир х'еррирниличила балахъулри.

Гъанна чумал дус черх'едердили лералтигъунти гъарил дусли июнь базличир гъунибаъни дурабурк'ули дирех'е. Иш дусли июньна 21-личиб савли кисала «гъайдурцан» вигъирбухъун.

-- Лех'лира. Чи сая паргъатагаририси?

-- Вях'и, сен паргъатлири? Нуша Уркухъла шилизибси парклизир х'ечи х'ерлира. Гъунибаъниличила хъумартурлирив? – чехиб ирикълан Г'ябдулкъадирла т'ама. Къант'или илис нуша Валк'ла дик'лутира. Гъимх'ерк'лар. Велкъайчи дукарра вях'или, ну сайра – х'ушала Валк'ла. Ягъари, даг х'едиритирив багъахъес. Дила къалли автомашини агни баладая.

-- Х'ела г'янц'ла лих'бала нуша ах'енра г'яйибла дег'ити, -- чехиб мякълавси Тузарла т'ама. -- Къалабали сяг'ят 9-лис чесатх'еадли, г'як'ла чебирхъех'е. Аргъирив? Х'ела г'яйибтала мах хабчабличичебихъан, гъайда, -- чехиб дукелци.

-- Гъу-гъу, вахъ-вахъал къя-

бикъярла гъимиван ватсатмалхъад, -- игъубра нунира жаваб.

Минатла Пат'иматван, майали г'яршик'ули, ваира ну парклизир. Дац'ли скамейкаби, агара миц'ирси жан, галгубала къялуби лех'ли сарри, агара алжан.

-- Гушдешла милкъи бяч'ес кафелизир леррану, калунси ч'ямсабарес ваши «витуркак'ину», -- чехиб т'ама Валк'лала.

Байхъала сяг'ятлисан учибик'иб урегал: къяк'лан Пагъирх'яжила гъаббак'иб лих'бар къап'ла, ч'ишулан Тузарлира парх'бухъун х'янбиуб бек'и, Иракъивадси Валк'лас кумеклабиуб г'яйса, Уркухъан гамса шах'бан, г'ур Г'ябдуллала Мях'яммад вихули х'илх'и къяшма, илдала вархъя нура.

Гъу, гъари, юлдаш Тузар, т'амадала тахличив валгирину даимлис, дураса нушаб х'укму: иригъла кафелизи наб г'еларад дашира.

Дурести камдирару шел шила вакилала, ардякъунти, ляркъути лукъух'ели бек'лизир. Дурес вирару лерил ца бишт'ласи белк'лизир?

Цакътала ургъурлиув ваткавхъунси Валк'лани дурасиб сунна пикри:

-- Дуц'и урчила мурдаван гъалак'ли г'ямрура лер, дехлиубси ябулан дамсурли къяшмира лер. Белики, юлдашуни, иш нушала цалабик г'ергъисили уббухъес.

-- Къабулх'ейкиб ч'ишулан Валк'лала пикриличи, агъ, х'ела вях'и амч'и, бускран. Шурыхъигу ишичи. Бердилив гъари умут г'урил дус инк'бихъййчи. Духувирисирив мурт? Ца барх'или калунти лерилра дубкахъуларив?

Ца калалра, вак'или, гъансабушаб алхунти. Эй, «устулла» алавти, их саби нушала хъя, буунсила бек'лизи чегаб урцулла чихъя. Аргъирив х'уни, т'лумкъя!

-- Нуни къалли аргъира, се белк'ира Аллагъли? Иличил жалта виркъес валтарав ну г'ямрули?

-- Широка страна моя родная, много в ней морей и рек..., -- багъла-багълала далайиб Шях'Ибай, Валк'лачи т'ул бях'ичаили, даимиуб «как наивно думает этот че-ло-век».

-- Гъари, узи Мях'яммад, батураа до-ла-лай. Сен-сен дурабикалра, х'ядурлиран держес ч'яй, -- гъирварив унра Шях'Ибай.

Пагъир авкили вак'ибси вахъх'ила тяниш къяк'лан Х'яжила Мях'яммад нушала масхуртачи тамашакайубли, тамай лех'кахъилри.

Багъла-багълала ахъиуб, яргаргали къушумличи х'еризур, г'ур бара аргъесли, вех'ихъиб:

-- Х'ушала ах'ер жан дат, марлира, дургудая ургубала г'ялимти. Чини, чинар диубти х'яздухъести масхурти? Масхуртани х'ушала жагъкайзахъурра нура, г'яйса лайбак'есцада имц'абииуб гъирара. Баркалла юлдашуни, илкъйада х'ердиънилис.

-- Гъари, т'амада, ихтияр га х'ела унра шан набра, -- ира нунира г'яшли.

-- Миц'ирси адамличичи лагх'ебирхъуси сек'ал лебси ах'ен. Гъарил анц'ибукъличи бушинкадизера г'яг'нибиркур. Г'ябдуллала Мях'яммад, Пагъир, Тузар, х'ушала г'ямрула бархъяби ахиратла хъули Аллагъли арбукили, цункадухъахъунра. Гъамадли х'ейк'ус х'ушаб мук'урлира. Нуни бални х'ясибли, х'ушала дурх'ини-рурси вайт'ла х'ербирули ах'ен. Гурра ара-сагъли калаб саби. Илди вег'ла биублихъар, вег'ла хабчабла мякълабван азадли къяш гъадаркабатесра вирх'ернира балулра. Къисматличичи къаршили кадизесра нушазиб цакъ агара. Калунси – сабур, ях'и, адамдеш, арадеш мях'камбарни.

Хим-биолог Тузарли х'ебиру х'янчи нех'екъ, бек'и бухгалтер Пагъирли х'егалли бетиркул х'екъ. Архили сай Валк'лара г'итта бех'и диркъкабарес, разиикалли рахли Шях'Ибан шинкъангу варес «Ликкаван» даражаличи далалай ахъли белч'ес хъулик'ули сай палчи, илис кумекчи виэс х'ядурли сай Бускачи. Х'яжихъалла Мях'яммад, х'у сайри ургав бикъри, баабну х'ела мурад, бура саркъибси пикри.

Дигахъира дардани х'яршк'адирули дег'ли, уркиларти къасани арх'едашули дуг'ли.

Зурх'ябла верх'елра ранг дигахъира рурули, убатурси гъарил хенг берх'илиуб бухъули.

Дигахъира вава-къар ганздирули мирхъили, вайбаркъунала г'яскар чедиб ганзх'ебик'ули.

Машара Медведъраван х'ердиаб уржили, х'ерк'ла г'яшул къаркъаван, х'ердирули ч'умали.

Гурра ахъри габ нушаб разили гъунидиэс, гъарилли хъали лушаб яшав эркинбиахъес. Арадеш габ «цукиллис!»

**Бях'яммад Х'яйбуллаев,  
Бускрила ши.**

Нушани чебиуливан, г'ергъити дусмазиб Дагъистан гъарил шайчибад гъалабях'и арбякъи саби. Хаслира багъудилашал, экономикалашал аги барскабик'ули гъалабях'и башули саби. Илдачил барх' гъар барх'и сагабик'ули, т'инт'ибик'ули саби нушала туризмара. Гъар дус дурала улкназибад бахъал туристуни нушачи башули бирар. Хаслира арбякъунси дуслизиб, царх'илти улкнази гъундури г'ек'ибх'ели, нушачи бахъал туристуни бак'иб.

Имц'аливан илди Гамсутльлизи, Сулахъла къярдличичи, Гъуниблизи, Балхъарлизи, Дербентла къалаличи, Кубачила шилизи башулри. Урхъула дублаб бамсриахъес дигутира бахъалри. Лерил урхъула дубларти юртани, санаторияби адамтани диц'илри.

Гъанбикес асубирар, севан илди

### ДАССР-лис 100 дус

## Тамашаласи табиг'ятла республика

нушачи бак'ибтири, гъундури г'ек'ибти диалри или. Амма, нушачи бак'или лебри мякъларти республикабазибад, Москвализибад, Краснодарлизибад ва царх'илти шагъуртазибадти туристуни.

Цацадех'ити мераназиб карантин жявли бех'ибхъибсири. Нуша биалли, ил манзил г'ядатлабиубси къяйдали къунзкадик'ули лералри. Дагъистан дубуртар Улкализи халбируси саби амма сецад жагаси ва декларси табиг'ят саби илабси. Чедир гъандушибтала дурадад гурра дахъал жагати мер-муса лер ишар. Масала: Хунзахла чях'и, Салт'ализибси чях'и Ирганайла шин дих'уси мер (водохранилище), Гимрила

къада.

Республикализиб леб халаси гъумла к'илик'и. Ил секъйада дак'убиубси г'ялимтани гъаннара балули ах'ен. Ил Мях'ячкъалаличибад 20 км т'яйдили, дубуртани алаварибси мерличиб мерлабиубли саби. Бархан Сарыкум - Евразиялизиб бег'лара халасилизи халбируси саби. Илала ахъдеш 262 метрличичи абиркули саби.

Сулахъла къярд касак'елли, ил Европализиб бег'лара мурхъсили х'исаббируси саби. 1920 метрличичи абиркули саби илала мурхъдеш. Пикридухъах'елли, илар умути ва хъанц'ла-рангла шинцун ах'ен лерти, чях'иби, шимшалидияхъибти, сурат-

дарибти къяйдали алавчарли кадизурти халати шурми, заклизир гъайбатли урцути ч'акни...

Нушала Дагъистан цайли цаси ва тамашаласи республика саби. Илар лер дубурти, урхъни, х'урк'би, чях'иби, халати диркъурби ва авлахъуни, ахъти жагати дубурти, жяв замунтазир делшунти к'ялг'ини.

Ишаб х'ербирути 50-чибра иц'лати миллатунала адамтачила, илдала г'ядатуначила, берклумачила бурасли, гъай ках'едурхар или гъанбиркули саби.

Ил багъандан, нушала республикала табиг'ят, тарих, рух'ла давла гурра жагабик'лахъули, чеимц'абик'лахъули мях'камли бих'ес нушала чебла саби.

**Пат'имат Шахова,  
«Замана» газетала корр.**



АхЛерти дарганти! ХЛера, нуша сунечи дус хЛерси, ЧевяхЛиси Аллагъли (с.т.) бархъибси дурхъаси Рабазан баз сабаъниличил мубаракдирулра!

Рабазан – дуббуцарла баз гъарил бусурмайс дурхъаси саби. Ил базлизиб сабри нушачи Дурхъаси Къуръан хъурабарибси. Ил урКЛби умудируси, гЛяхЛти баркъудлуми, балга-дугЛя, садакъа имцЛадируси баз саби. Гъала хили ил базличи хЛядурли виэс чебиркур: вегЛли дарибти хатЛабала ва бунагъунала черкад пашманвиубли, тавбадарили, илдачи гЛур чархЛевхъес чЛумаси къасбарили. Илкъяйдали, ил баз са-

баайчи нуша мицЛирли калниличил ва ил дурхъаси базла баракат нушаб къадарбирниличил халаси шукрура барили диэс чебиркур. Дуббуцарла мяГЛна саби – рухЛла умудеш. Гъарил адам сунела рухЛ умударес, уму-

тицун пикруми диахъес ва гЛяхЛдешуницун дирес гъуцЛли вирес гЛяГЛниса саби. СенкЛун Рабазан базла бурхЛни хаста сари, ил базлизир дарибтас ЧевяхЛисини 70-йнали ва гъатЛира имцЛали лиГЛматунуни лугути сари.

Дуббуцари – беркеси ва шин хЛедужницун ахЛенну, нушаб Къудратла ВегЛли лугуси, буресагарли халаси шабагъат касес имкан-бикЛнира саби. Иш баз ЧевяхЛиси Аллагъла (с.т.) урКЛецЛила, разидешла, чевверхнила, жагъаннабла цЛализибад сунела лугъри акъубалтнила баз саби. Рабазан базлизиб саби Лайлатул Къадрила дуги лебси,

сунезирра балга-дугЛя къабулдируси ва адамтала къисматуни дарсдируси.

Нушала дурхъаси МяхЛяммад Идбагла (с.г.в.) хЛядис хЛясибли, Рабазан базла дурхъадеш багъандан, Гъалжанала къапу гъаргдирути сари, жагъаннабла биалли, къапЛдирути сари. Бусурманти бархъси гъунчибад чебхЛебалкЛяхъес ва илдас диргалахЛедулхъахъес, шайтЛунти рахажуначил дилгъути сари. ХЛядислизиб бурули саби (мяГЛна): «Эгер халкъли Рабазан базла дурхъадешуначила ва гЛяхЛдешуначила иргъути биалри, илди ил даимлис бухъянбитЛяхъес хъулбикЛи».

Лебилра адамтас ил базлизиб имкан лугуси саби гЛяхЛсицун дакЛубарахъес ва чеимцЛабарахъес. АдабхЛяя, урКЛецЛи-ряхЛму дакЛудирули, адамтачи сабурличил, дигиличил, цала цали урКЛи иргъутили дирахъес багъандан.

МяхЛяммад Идбагли (с.г.в.) бурибсири: «Рабазан базличив Аллагъла (с.т.) шабагъатуначи бирхаудиличил дубурцусилис, илала урла бунагъуни умудирар».

Гъарил бусурман адам ил базлизив гЛяхЛлашал варсиубли, умuviубли, сагавиубли, рухЛлашал давлачеввиубли ва талихЛчевли вирар. Рирхулра, Рабазан базлизирван гЛяхЛтили, сахаваттили, малхЛямтили, урКЛи гъаргтили мурталра калниличил.

Аллагъли (с.т.) ибсири (мяГЛна): «Гъарил Набчи Рабазан базличив дугъаизурси бусурма умуси урКЛиличил барибси балга Нуни къабулбирис».

Даширая, ахЛерти бусурманти, нушанира къасбирехЛе Къуръан бучЛули, гЛяхЛдешуницун, балга-дугЛя, садакъа имцЛадирули, таравихЛуни дирули, дубдурцули ил дурхъаси баз беркЛес. ЧевяхЛиси Къудратла ВегЛла урКЛецЛи-ряхЛмуличил дирхули, нушаб ахърира гЛибадат имцЛабарахъес арадешра тиладидирехЛе. Гъарилла хъалибарглизи талихЛ, баракат, арадеш ва цабалгундеш даимлис ми-надиаб.

ЧевяхЛиси Аллагъли (с.т.) дуббуцари къабулдараб ва кЛелра дунъялизиб талихЛра баракатра къадардараб! Амин!

## Пайдалати насихЛятуни

Чесабиуси Рабазан базлизиб дуббуцибтас кумеклис, гъаман хъардиути суалтас шафигЛитунала мазгъаб хЛясибли, жавабти гъаладирхъулра.

- Дуббуцари се баралли дулъути?
- Балу-балули се-биалра беркалли, яра шин держалли; варглизи се-биалра бухЛнабикалли (дарман), къянкъубази яра лихЛила бухЛна се-биалра букъялли; балу-балули рабчвиалли; мурул-хъуна ургаб гъамдеш биалли; хъунул адам хЛилариалли (менструация) яра виштЛаси варалли; держ, папрус бержалли; къагъвиалли, дагърилизивад ухъалли; диннизивад дураухъалли (Аллагъли (с.т.) илизибад берцуди бараб).
- Дубуцибсилис асубирару цулби ицуси паста пайдалабирес?
- Бирар, амма пастабазир тЛемдикЛути секЛал дарх дирни багъандан, къакла гЛелабил шайчи селра гъамхЛебиахъес къайгъибарес чебиркур.
- Цула абитЛалли, дуббуцари дулъутив?
- Дулъути ахЛен. ХЛи яра дарман дархти шутри варглизи даалли, илдани дулъа.
- Хургъри изухЛели, илди сагъдарес кислород пайдалабарес асубирусив?
- Асубирусии саби, сенахЛенну кислородла я ранг, я тЛем, я гяГЛ агархЛели, амма иличил дарх дармунтира даралли, дуббуцари дулъути сари.
- Дуббуцари дулъутив дазала дирухЛели, къакра къянкъубира дарга-рухЛели, шин къяраалли?
- Дубуцибсини халаси къайгъиличил къак баргарухЛели шин къяраалли, дуббуцари дулъути сари. Къя-

нкъуби даргарухЛели шин илабси лигала чеди адааллира дулъути сари.

- Асубирусив миск (духи) дуббуцарла базлизир пайдаладарес?
- Бирусии саби, амма ил хЛебаралли гЛяхЛсилези халбирусии саби. Илкъяйда илдала тЛемличил сунтЛхЛейкЛнира гЛяхЛси саби, амма ил баралли, дуббуцари дулъути ахЛен.
- Дуббуцари дулъутив шутри къяраалли?
- Дулъути ахЛен илди умути диалли, шутразир хЛи яра берка кесекуни хЛедиалли.
- Дуббуцари дулъав сурс-къакъари изухЛели дарман диралли?
- Дарман сурс-къакъарла (гЛярабл хЛярп гЛайн бетарусии) мерла шайчи бетали хЛебиалли, дулъути ахЛен.
- ЗягЛипхЛели балу-балули рабч дакЛяхъалли, дуббуцари дулъутив?
- Дулъути сари, амма илизиб бунагъ агара, цархЛилван гЛяхЛдеш хЛебирули биалли.
- Дуббуцари дулъав узи яра цархЛил апаратунала кумекличил къаркъа биркЛанти ахтардидиралли?
- Дубуцибсила варгла духЛна диути апаратуначил ахтарди дурабуркЛалли (чимхъа-умхитЛ ва цархЛилтира), дулъути сари.
- Дубуцибсилис асубирару къаркъайчи кремани, маслаби дикес?
- Дуббуцари илдазирад хЛедулъа, амма дебали тЛемдикЛути креманира маслабира пайдалахЛедаралли гЛяхЛси саби.
- Дубуцибсилис асубирару хЛулбазидарман кЛантЛдушес?
- Бирусии саби, илдала тЛем къаклаб гъанараллира, дуббуцари дулъути ахЛен.

- Дубуцибсилис сивак пайдалабарес асубирару?

- Бирар, хЛери баайчи, хЛери баили гЛергъи, хЛебаралли гЛяхЛси саби. Шинничи гачбикахъи пайдалабаралли, дуббуцари дулъа.
- Лезмила уди супЛбирусии дарман кабихъалли, дуббуцари дулъутив?
- Илала камси-биалра кесек варглизи баалли дулъа, мухЛлилаб бацЛили таманбиалли, хЛедулъа.
- Папрус ва танбаку держали дулъутив дуббуцари?
- Дулъути сари, сенахЛенну папрусла гавличил хургърази никотинра кабиур.
- КуртЛикЛалли дулъутив дуббуцари?
- Дубуцибсини балули биалли къянкъубазира лихЛбазира шин дукъес дирни, илис къадагъабарибси саби (хЛярам) куртЛикЛес. Илкъяйда бирни хЛебалули виалли, куртЛхЛейкЛни гЛяхЛси саби. Сенбиалра шин духЛнадикалли, дуббуцари дулъути сари.
- Дуббуцари дулъутив ахтури къяраалли?
- Балу-балули ахтури къяраалли, дулъути сари. Илди тударес валкъхЛеурли, хабарагарли къяраалли, дулъути ахЛен.
- ХЛила тумлизи яра гЛемслизи укол яра капельница баралли дулъутив дуббуцари?
- АхЛен, амма арадешлис чарагаардеш лебхЛели ахЛи ил барес хЛейгесилизи халбирусии саби.
- ХЛила тумлизирад яра тЛуйзирад хЛи адитЛалли яра хЛижаме биралли дуббуцари дулъутив?
- Дулъути ахЛен, амма ил бирни хЛейгесии саби.
- Хабарагарли адамла варглизи

хъяса, гав яра бибГЛян мицЛираг ардукъялли, дуббуцари хЛедулъа, амма илди дураэс къасли рабчвиалли, дулъути сари.

- Асубирусив хурег бирухЛели тЛем халбарес, илхЛели дулъутив дуббуцари?
- Асубирусии саби, амма ил барни хЛейгесии саби, сенкЛун илхЛели се-биалра къяраалли, дуббуцари дулъан.
- Се бирусии къагъдеш дакЛалли?
- Эгер адамли дубуцес дугели нигет барили гЛергъи аргъайзивад ухъалли, илала дуббуцари халбирусии саби, шаладикибхЛейчибад бархЛи гЛелабикайчи камси заманалисалра чевсаргъалли. Рахли чевсатхЛергъалли, дуббуцари дулъан. Илкъяйдали, нигет хЛебарили, дугели аргъайзивад ухъи, савли яра хЛерели чевсаргъалли, дуббуцари халхЛедиру, сенкЛун шафигЛитунала мазгъаб хЛясибли, нигет дугели яра савлила акбар белчЛайчи барес гЛяГЛниса саби.
- Хъунул адам гинекологличи рукъялли, илала дуббуцари дулъану?
- Эгер тухтурличил рякъунхЛели, хъунул адамла къаркъа биркЛантазирти гЛярхъубази се-биалра бухЛна букъялли, дуббуцари дулъан.
- Дугели дуббуцарлис нигет барес хъумарталли, се бирусии?
- Или биалли, шафигЛитунала мазгъаб хЛясибли, дугели яра савлила акбар белчЛайчи нигет барес валкъхЛеалли, дуббуцари бетарусии ахЛен. Амма сеналра дуббуцари дулъути гъар секЛайзивад мяхЛкамли виэс, ва уркалунти дуббуцари черахъес чебиркур.

Н. Гъуруева.



### Дергъла кахси «хазна»

Чинаррав, багъадурти,  
ВатIан гъанни алхунти,  
БекIаличи дяхI-дяхIли  
Хердизес цаакъ баибти?

Икрамбирулра хушаб  
Урибани кукъубачиб,  
Бургулра пахру нушаб  
Хушала гъунартазиб.

Щудар душманна гъалар  
Бурги гIахIедуцибти,  
Щала авидла дайлар  
Шанданна деби касибти.

Дусмани буркхIебиру  
Хушани ахъиб гъуни:  
МицIиртала уркIазиб  
Кавлан душмайчи гъими.

Аркъян бурхIни ва дусми,  
Аркъян замана дуцIли.  
Юх, билхIебилшан лами,  
Бикъурси гъабзадешили.

Чинаррав, багъадурти,  
ВатIан гъанни алхунти,  
БекIаличи дяхI-дяхIли  
Хердизес цаакъ баибти?

1972 ибил дула майла  
вецIал.

Гъархъси Карелияла республика. Лахденпохла район. Ихала бикIуси ши. Илабад цагIахIил гъархъси, вацIурби-ургабси Киркуеки бакIуси ургуба цахIнаб билхIлумазиб сабри, илбагъандан ил мер шила хозяйстволис пайдалабарес тяхIар аги. Мерла хIакимтани пикрилизи касиб, сеннира ил ванза бузесаэс, сеннахIенну Лахденпохла район Карелиялизи кадурхути верхIел районнизибад бегIла биштIаси сабри, делгIути ванзурби, дуки-гъунила мермуса халкълис диули ахIенри.

ХIера, ил бархIи Ихала шила советла исполкома председател Вера Васильевна Земруковскаяни шилизис гъавкъя механизатор Михаил Васильевич Мучичко сельсоветлизи живариб. Ил «Гъалмагъдеш» бикIуси совхозла 12 ибил ПМК-ла экскаваторщик сайри.

-- Гъу, аркъяду хIянчи даимбарес?

- ХIябилра гIибкъадизуртира леррая? Байрумтала бурхIни тамандийчилра сабур хIебиулив?

- Байрам, юлдаш Мучичко, даг таманкабиубси саби. Гурра лябкъян... Валкъаи, хIечи хIянчи хIерли саби.

- ХIянчи бецI ахIен, вацIализи гъабхIебулхъан.

- Дати масхурти! Ит билхIла умубарес гIягIнили саби, ил ванзаличи шанти

хIерли саби.

- БархIилра бахъ буцIарси хIебиалри, - бизахъур Михаилли, кепкара убкасили, хъянтIа хIяршбирули.

- Экскаваторла кабинали-

касиб ва майализирти вяхIра хъябра хIяршдариб, гIур си-деньела удибад термосра дурасили, ца чяйла бержиб.

- Сунечи азир гIяхI дакI, пархъяни термос кабихъни

Контюхов живариб. Илдани школала директорлизи багъахъур, гIур учительтази ва шинтази анцIбукъличила аргъахъиб.

Камси гъатIи биалли

тани дурадъркIес хIебирар.

- Бархъси саби, даширая,

### Ибрагъим Ибрагъимов

## БЕКIАЛИЧИЛ – ДЯХI-ДЯХIЛИ

(художественно-документальный очерк)

зиб буцIарли хIебирар. Гъу, сейкIуда, юлдаш Михаил?

- СейкIуси? ХIуша хъунул адамтази гъай даахъес вира-



ру?

- Гъунби гIяхIдираб! ХIянчира гъамадбаиб! ПМК-ла директорлизи хIед алапаличи чеимцIякъ хIекъ кабатахъес тиладибирис.

- Луги илдани чеимцIякъ... - пурхурдяхъиб Михаилли, дураулхъули.

Ил къантIси ихтилатлис гIергъи Мучичко шиличибад верхIел километрлацад гъархъси вацIала ургабси чIянкIибкичив узулри: билхIлала чедиб катругси авараг сабри. Иларад удисси Ихала шира, хъяш-хъяши вацIара, дуки-гъунила мер-мусара гъаргдирулри.

Михаил Васильевич цаибил бархIи ахIенри илав узуси. Ил май базла бехIбихъуд-личивадал, билхIлала шин ардукеси къанав бирули, узули сайри. Илгъуна алавчар мицIир жан агарси мерлизиб бузери-деклар се бузери бизса? ПIягIагарси, иш наб-чибад чеббикалри иб-сигъуна.

Ил бархIи къанав тIап ил аваргличи чебIахIхъуси мерличи баилри, аммаки чумал бархIи гIурра узес хIянчи калири.

Михаилли дяръили бучIуси экскаваторла тIама гIяшбариб, камси манзиллис хIянчи тIашиули, ванза икъуси мегъла къялши къанавла дубличичи кабихъиб. «ВегIебш, иши тIашхIейзурли узалли, милигили алхесра асубирар. Балагъ хIебиалли, гъари, набчисси?» - илира или, илини улкъайла гъалабси къасиличибад дяхIушкан

гIяхIси бетаур. Шинни ужули, милиги ахъес хIейри, - иб илини, сагали экскаваторла къялши ахъбурцули ва ван-зализи алтIахъули.

ГIянжила гъудурмай бетаурси бекIа къанавла дублаб гъачамличиб гъачам халабикIес бехIбихъиб. КИ-найсра хIяй-найсра мегъла къялши гIянжилизи атIун.

Ва хапли илини ванзалиубад тамашала «хазна» дурасиб: чакмуни, дурдибти шинельтала бутIни ва адамтала лига-къякъя... УркIухъунси

Миччукони илмадан экскаватор тIашаиб: «Иш се гIяламата? Илди чинарад дакIибти? Ишар хIябри диубтирив, гъари?...»

Илгъуна агилизиб хIянчи гIур даимбарес тяхIар аги, ва механизатор хъярхъли кабинализивад дуравхъун. Къанавла дубличирти ваяхI-ургар адамтала бургала вакъанира лерри: ил анцIбукъли Мучичко левгIев кахи-



ахъуб.

Илав вахъхIи калес илала ахъри аги, бархъбатурли экскаваторра, сунела Ихала шилизвивяхI дуцIухъун...

Аргъибси хабарли гIяжаибриахъубси сельсовет Вера Васильевнани комсомолла секретарь Сергей

бахъал адамти, илдада лугIилизиб школала гIямрула дурхIнира бархли, къанав икъуси мерличи цалабикиб. Илдада някъбазир газакъелхIнира лерри. Вера Васильевнала хIерудилиуб лебилра хIянчилизи ахъиб.

Лига-къякъя дурадидибси мер гIянжилизибад мяхIкамли ва сахъдешличил умубирес бехIбихъиб.

Ташмишдеш агарли, ил дявила окоп сабри, сабира заманала бухъяндешли ва марка-заблира дяхIи-шахлира диркъибкичичи шуркабухъахъунси.

Музабухъунти ихалантани окоплизирад 15-дехI дабри, бургъантала шинельти, противогазуни, гранатаби, минаби, пулеметуни, тупангунни ва дахъал патиранти дурасиб. Дурасиб илкъяйда вецIну шура адамла лига-къякъяра.

Лебталалра дяхIличиб хумардешла лишан сабри: цархIилван биэс бирару, эгер илдас итди балагъла дергъла бурхIни гъандиркули диалли, гъанбиркули биалли, чула Ихала балтахъули, гъанналис 31 дус гъалаб илаб кабикибси дергъ, ил дергълизиб алхунти нушала бургъантира...

«Гъанна се бируси? Чина бирхъуси ишаб баргибси дявила кахси «хазна»? Шилизи архусив?» - цалабикибти цализи ца хъарбикIутиван хIякли сабри.

Ахирра ахир Вера Васильевна шантаци хIерризури:

- Гъанна ишди чиналра ардухес асубебирар.

- Гур се бируси?

- ДухIнарти къуллукъунала хаста органтази багъахъес гIягIнибиркур.

Ишар лайикъти хIялумцIлаби хIяжатли сари.

- Чизи багъахъалли гIяхIсив?

- Петрозаводсклизи зянкъдирхъехIе, сеннахIенну илдигъунти хIялумцIлаби нуша-ла районна хIянчизан-



Капсулти даргибси Ваня Литвинов, 8-ибил классла учIан.

илкъяйда бирехIе...

Илди гъайбикIули лебли, 8-ибил классла учIан Ваня Литвинов бикIуси уршили гIянжила бекIализирад кIел капсула деклардариб, гIур илини халатази жииб.

- Адавзихъали, ишди се сари?

Комсомолла секретарь Саша Контюховли капсулти сузи сасиб, гIянжилизарад умудариб, кIинайс илдазибад ца гъаргбариб. Илабад байхъу зябиубси кагъарла биштIаси кIапIи дурасиб ва белчIес алавухъун.

- Сепайда гъатIи, белчIес агара къадни: ишар урус мездун ахIен, цархIилти гъайла белкIра леб.

- Гъари, гъари. Се-биалра белчIенгу, - гъирадухъунти адамти иличи гъамбиуб.

- Иш красноармеецла анкетагъуна саби...

Фамилия: Ма...

Имя: Ахмед.

Отчество: М...

Звание: ефрейтор.

Военкомат: Даха...

Район: Дах...

ДАССР.

КIиэсил капсулализиб анкеталичил бархли биштIаси кагъарра лебри. Ил Дахада-евла районна военкоматли гIярмиялизи ваахъибси уркухъан красноармеец ХIяжиев МяхIямад сайри. Ихалала дуба-карчIа далтахъули алхунти 15 бургъантазибад кIел сабри белгибиубти, илхIелира дагъистанланти, ца районна, ца минала бургъанти.

ГIергъила бархIи Петрозаводсклизибад хIялумцIлаби дурадуркIути хIянчизарта-ла арагIеб бригада Ихалализи дурабикиб. Илдани чус хIяжатдиркути, камсилра гIячичъдеш лугути лерилра баянти касиб, суратуни адитIун, гIур биалли, алхунтала ли-га-къякъя ардухили хIурматличил, шила дайлабси мер чеббикIили, узиси хIябла кIапIдариб...

(Хъарахъуд бирар)

## Маллаев Рабазан Маллаевич



Верхел классла бағуди Сутбукла шила школализиб касиб. Гур, Избербашла школа-интернатлизиб (дубурланта интернатлизиб), белчуди даим-бариб. Илала гьегъи Сергокьалала педучилищера белчи 1961-ибил дуслизиб шилизи вакиб. Унраличибси Бакьнила школализиб учителли узес вехихьиб. Илавад ил улкала жи хьисибли гьармиялизи арякун-сири ва 3 дус Германиялизиб кьуллукьбирули калун. Илавад чарухь гьегъи Дагьиста пачалихьла университетла математический факультетлизи керхур (заочно).

Узули ва учули илини сунела гьарму даимдариб. Дуглахьарла ва Урцакила шимазив чумал дус узули кали ил Сутбукла школа-лизи вакиб ва илав 50-лира-сера дус узули гьихьиси хьанчи бариб.

Чумра ученик бякьличи би-кахьиб ва бархьси гьунчи ташба-тур. Чинаб хьанчи бариб виалра, халкь-ургав хурматличил, чебе-таахьибси, сабухьчебси бузерили-чил декларулхьиб. Пачалихьлира илала бузери пикрила дураб хьеба-тур. Бузерилизир чедаахьибти сар-хибдешуни улкали ахьли кьиматла-дариб. Илис «Дагьистан Республи-кала урибси учителла» у бедиб, районнизиб халаси хурмат сархи-бси математик сайри, Дагьиста пача-лихьла университетла математика-

ла учительтала Советлизи кар-хулри, СССР-ла учительтала съезд-ла делегатлира викибсири, Прези-дентла грантра касиб, районна учи-тельтала секциябачив математика-секцияли дахьал дусмазив бекдеш-дирули калун.

Рабазан Маллаевли абикур ва кьашмачи кабатур авал дурхья. Лебтазилра илини чебахьиси бағуди казахьиб. Сунела ахьерси рурси Анисат ребкили халаси децл бер-кун ва невробала изайзи викиб.

2020 – 2021-ибил белчудила дуслизиб ил школализиб арякун. Дурхьначирти дигили ил гьар-жумягра-сера школализи ваши, хьевзули виалра.

Гьайгьай, адамла гьарму даимлис кавлут ахьен. Мурт-биалра илди кархути сари. Амма веглис гьегъи халкьлиси, хаслира чеабиуси наслу-лис пайдаладиэсти гьихьити баркьуд-луми датурси адам халкьла гьанби-куназив мурталра мицирли кавлан. Иличила адматани хьумхьерт. Тяп-илкьйада бурес дигулра Рабазан Маллаевичличилара. Илала баркь-удлумира жагаси сипатра нушала уркьбазир даимлис кавлан. Илала бекьлала хабарли лебилра уркьлаиб. Дирхаэс гьамадли ахьенри илгьуна гьихьиси адам нуша-ургав агнилич-и. Сепайда, хурецл чекасес чевкьули саби.

Атхьебла шалал бархьли  
Кулпетлис цьаббарибил,  
Рабазан Маллаевич  
Агь, се саби барибси?

«Ванза чебсаргьухьели,  
Вавни гьаргдирухьели,  
Чатли чардулхьухьели,  
Марли хьябла аркьулрив?»

Мицир децли верцибил,  
Шишим-шахли вигубил,  
Бигу кулпет батурил  
Уцадигу цьаб хьябли.

Чум-чумлара чумлара  
Уркьби зимдухьахьунил,  
Сабурла, яхьла кьала  
Кьакьбахьери хьу дурхьнала.

Гьалли 60 дус  
Хьуни дурхьни руркьяди,  
Пешкешдиради илдас  
Мурхьти дагьри ва гьакьлу.

Узи-урши, ши, шанти  
Дигили гьеббурцади,  
Хьела бигути дурхьни  
Бархьси гьунчи каади.

Хьела хьалибаргличил  
Узбачил ва рузбачил  
Тухумтачил, шантачил  
Нушара децдикьулра.

Хьед ахират шаласи  
Аллагьли габ дикьулра,  
Хьалибарглис, кулпетлис  
Арадеш габ дикьулра.

Дурхьати гьанжилизи  
Хьу аманат виаби,  
Алжунти дуртлухьели  
Аллагьли хьуммхьертлаби.

**Сутбукла урга даражала  
школала коллектив.**



### Свыше 1500 обращений принял единый Call-центр ООО «Газпром межрегионгаз Махачкала»

позволяет значительно сокра-  
тить сроки получения  
услуги. Нам важно, чтобы  
абонент тратил минимум  
личного на решение своего

В первом квартале 2021 года  
более 1500 дагестанцев обрати-  
лись в единый диспетчерский  
Call-центр ООО «Газпром  
межрегионгаз Махачкала».

вопроса. К тому же дистанци-  
онный формат общения позво-  
лил снизить количество лич-  
ных контактов в период панде-  
мии, а значит, сократил риски

заражения», — сказал гене-  
ральный директор ООО  
«Газпром межрегионгаз Ма-  
хачкала» Александр Давыдов.

#### Справка

ООО «Газпром межрегионгаз  
Махачкала» входит в Группу  
«Газпром межрегионгаз».



Единая служба приема  
звонков позволяет гражда-  
нам получить достоверную и  
актуальную информацию о  
текущем состоянии лицевого  
счета, перечне необходимых  
документов и процедур для  
заключения договора на по-  
ставку газа, а также о видах  
безналичных форм платежей.

«Запуск Call-центра упро-  
стил нашу работу с абоне-  
нтами и сделал взаимодей-  
ствие потребителей с газовой  
службой более удобным. Ди-  
станционный формат работ

### Обращение для граждан

На территории республики в послед-  
нее время участились факты возникно-  
вения пожаров, отравления граждан от  
угарного газа. Одним из основных  
причин, приводящих к таким трагиче-  
ским последствиям, является элемен-  
тарное пренебрежение к требованиям  
безопасности при обращении исполь-  
зовании электробытовых, газовых,  
отопительных водонагревательных си-  
стем. Установка систем отопления ли-  
цами, не обладающими специальными  
познаниями в данной области.

В связи изложенным и во избежание  
несчастных случаев уважаемые жители  
района обращаемся к Вам с настоя-  
тельной просьбой не пренебрегать тре-  
бованиям безопасности при использо-  
вании указанных систем. В случае вы-  
хода строя или утечки газа незамедли-  
тельно вызывайте специалиста, кото-  
рый сможет квалифицированно устра-  
нить неполадки.

**Начальник ОМВД России по Даха-  
даевскому району,  
подполковник полиции  
Ахмедов С. А.**

## 8 Гагаринна пишвахъни гѣрбирули

Юрий Алексеевич Гагарин ждениебазир «Гагаринна пишвахъни» ибси флешбом бетурхули саби. Балбуцла дазурбазир бучѣнтани пишвахъибси Гагариннара иличи мешули пишвахъибти чулара суратуни кадерахъурти коллажуни далкъарахъули сари.



Флешбом дурабуркѣли саби муниципалитетла жагылтала ва туризмала отделла кумекличил. Илдигъунти далдуцуни дурадуркѣлти сари тарихла памятникунни мяхкамдирнила, ишбархѣлизир космослизир дѣрахъути чедибдешуначил тянишбирнила, вегѣла улкаличи пахурбирнила мурадличил. Бучѣнтани иштѣхѣличил мослизи арцурхѣйчирадла 60 дус дикиб. Ил байрамла хѣурматлис нушала районна багъудила учре-

пайдаладирулри чуни далкъаахъурти скафандртира шлеманира. Илкъѣйдала Точка Роста ибти кабинету-

назиб хаста очкибала кумекличил илди космослизиб багъарбирахъутигъунтири.

Туризмала ва жагылтала баркъудлумала отделла начальник Мадина Мяхѣммадовани гъанбикахъиб Юрий Алексеевич Гагарин космослизи арцурси дунъяличив цаибси летчик-космонавт виъниличила. Дунъяличив цалра адам хѣргар ил хабардѣрхурси багъадурличила хѣргъибси. Илала игитси баркъудила гѣхѣдешличибли 1962 ибил дусла апрельла 12-личибадла Космонавтикала Бархѣлизир халбириси саби ил. Гагаринна чебѣхѣси баркъуди ахъли къиматлабирули, илис Советский Союзла Игитла у бедиб.

«Космос гъарахъси саби ва ила гъуни гъариллис-деклар гъаргъируси ахѣн, амма гъар дуслизиб ила вегѣла пишвахъни бархъес гъарилли вирар», - риклар М. Мяхѣммадова.

Р. Къурбанова.

## Футболла матч дураберкѣиб

Гъалабван чуни чус гъуни чеби-ахъантала Бархѣила хѣурматлис Дахадаевла районнизиб футболла гъалмагъдешла матч дураберкѣиб.

«Дахадаев – арена» стадионна дазурбазир детѣрхуртири илди абзани. Илар бутѣакъѣндеш дариб зонаби хѣясибли шимала бургала ва муниципалитетла администра-

цияла хѣянчизартала хѣябал командала.

Гъунибаъни гъалмагъдешла агихѣйзиб бетѣрхур. Илар командабани гѣхѣти устадешра чедаахъиб.

«Футболли адамти талихѣчеббѣирахъу ва илдас разидеш биху», - бурулри матчла ца бутѣакъѣнчили.

Командаби-ургаб имѣцаливан

машгъурбиубси хѣязлизи халбириси къаршикартала къапулизи (воротализи) тап бухѣнабиркахъни саби. Ил шайчѣрра бахъалгъунтани гѣхѣти устадеш чедаахъиб.

Чедѣбси занала ва администрацияла хѣянчизартала чедидикибти командаби-ургабра апрелла 21-личиб гъалабдеш багъанданси матч дурабуркѣлуси саби.

Адамтала арадеш ункъли бихѣни-ла бетуц гѣеббуцнила ва жагылтиургар наркотикунни тѣнтѣхѣдѣирахънила мурадличил Дахадаевла районна школабазир лебил дунъяла арадеш мяхкамбирнила Бархѣилис хасдарибти «Наркотикуначи спорт къаршили» ибти далдуцуни дурадѣркѣиб ишди бурхѣназир.

Чѣалкѣлуси наслу арати гѣямру гѣрдурцниличѣ руркѣули, спортлизир чедибдешуни дѣрахъниличѣ бурсибирули, арати гѣямру дѣрахъниличѣ илди творчестволашал хѣядурбиубли гъамбирахъули, багалати далдуцуни дурадуркѣлуси районна багъудила Управлениели.

Физкультурала мугѣяллимтани бекѣдеш дирнила удиб бучѣнтани лебилшколала зарѣяка дирутири ва цархѣлти спортла далдуцуни дурадуркѣлуси. Илдазир дурхѣнани иштѣхѣличил бутѣакъѣндеш дирутири.

Багъудила Управлениела вѣдущий специалист Зульфия Гѣязизовани бурни хѣясибли, дурхѣни вайти хасѣятуначи мусаллатхѣби-ахъес багъандан бегѣлара гѣхѣси баркъуди саби илди арати гѣямру гѣрдурцнила баркъудилизи ахъахъни ва спортличѣ илдала ди-

## Арадешла жумягѣ бетѣрхур


ги адикъни.

«Дѣла пикри хѣясибли, вегѣла гѣямрула бетуцличила паргъатагарвиѣс хѣяжатли саби. Нушала жамигѣятли къѣйгъни дакѣударалли, наркоманиялизи ихъутала лугѣира камбирар.

Ахирличѣб чѣалкѣлуси наслулизи аргъахъес дѣгулра:

Хъуммартидая, наркотик - ил хѣяз ахѣн, муриси баркъуди ахѣн, ил изала саби, иличила жѣвлил аргъѣсра хѣяжатсири. Наркомания – ибкъси пикри тѣлаббириси лягѣнат саби», - буриб Гѣязизовани.

## Сагати жузи — къасиличир



Жузи дуракаибти сари «АЛЕФ» типографияли.

Кѣлра жуз публицистикала журала сари, чузира очеркунни кадѣрахъурти.

Бучѣнанти ишдигъунти дявила бутѣакъѣнчибачил тянишбиѣс бирар.

Хѣясан Гѣхѣмадов, граждан дѣргъла хѣунтѣна партизан, 1943 ибил дуслизи

Моздокла мякълав декѣли вѣхъибсири ва Махѣячкъалала азарханализив вебкѣибсири.

Мяхѣяммад Хѣяжиев, Карелияла АССР цѣуба финанѣзи ва немецуначи блѣтахъули, гѣхѣгъабзала бѣбкѣлали алхунсири.

Гѣядулла Гѣядурѣхѣманов Новороссийскла мякълабси хабардѣрхурси Биштѣласи ванзаличив ургъули

калун ва, чарухъунхѣли, мургъиарцла уста сайливан машгъуриуб: ил ДАССР-ла искусствѣла урибси хѣянчизар, РСФСР-ла урибси художник ва И. Е. Рѣпинна училилси Пачалихъла премѣяла лауреат вѣтаур.

Чѣбѣхѣси Ватѣла дѣргълизир жан къурбандарибти хала бегѣтала наслу ишбархѣи Ватѣайс марси къуллукъличѣб саби. Илдазѣвад ца сай дѣргъла бутѣакъѣнчила уршила урши, юстицияла полковник, сунѣла чѣбла ламусличил ихъуси ДР-ла МВД-ла следственное управление-ла частъла начальник Мяхѣяммад Гѣхѣмадович Ибрагъимов.

Жузи рангличил ва чѣумати мужаллатуначил жагали далкъаахъурли сари. Иш гъакѣлисра И. Ибрагъимов, гъар мурталраван, сунѣла лукѣнила стильлис (журалис) марли кали сай. Хѣятта документальный тѣхѣярла произведениеби диалра, очеркунни тѣп художественное произведениебиван дѣлчѣс дѣгѣсли сари, ва, ашкарли, учѣлусини илди дархъхѣдалта.

# ШИЛА ГѣЯМРУ СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel7@mail.ru](mailto:inf.otdel7@mail.ru)

Тел: 55-40-71

1931-ибил дусличѣбад дурабулхъуси саби

Газета 2009 ибил дусла

декабрьла 28-личѣб массовая коммуникациябала, бархбасла ва культураласи букъур мяхкамбирнила шайчѣб хѣруди бузахъуси Федеральная служба ДР-лизибси

Управлениелизиб белкѣлуси саби. ПИ № ТУ 5-0047

Газета дурабулхъуси саби жумягѣ бархѣи.

Дусли 52-на дурабулхъан. Индекс -- 63314

Печатълизи къулбасбарес кабѣзахъурси замана -- 16.00.

Печатълизи къулбасбарѣбси замана -- 16.00.

Газетализи кадѣрхъути материалтала автортала пѣкрумачил редакцияла пѣкри цугхѣбѣкѣсра асубирар

Редакциялизи дархъибти белкѣланас рѣцензия лукѣлуси ахѣн, я илди чула бегѣтачи чардирути ахѣн.

ДР-ла миллатласи политикала, информацияла ва дуралати бархбасунала шайчѣбси министерствѣола газетабала-журналтала типографиялизиб кабѣхъибси саби.

Адрес: 367018 Мяхѣячкъалала шагъар, Насрудиновла училилси къакъа, 61

Автортани чула материалтала хѣкѣдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, Гѣ. Гѣялиевла училилси къакъа, 9 “а”

ТИРАЖ – 800 экз

Бекѣ редактор Чапарова М. М. Редактор Курбанова П. О.